



BOSNIA AND HERCEGOVINA
MINISTRY OF FINANCE
AND TREASURY

CENTRALNA/SREDIŠNJA HARMONIZACIJSKA JEDINICA
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 03-1-16-8-167-1/17
Sarajevo, 25.04.2017. godine

Na osnovu člana 61. stav (2) Zakona o upravi („Službeni glasnik BiH“, br. 32/02 i 102/09) i čl. 33b. i 33f. stav (2) tačka b), a u vezi s članom 33i. stav (2) Zakona o finansiranju institucija Bosne i Hercegovine („Službeni glasnik BiH“ broj: 61/04, 49/09, 42/12, 87/12 i 32/13), direktor Centralne harmonizacijske jedinice Ministarstva finansija i trezora Bosne i Hercegovine, donosi

PLAN I PROGRAM OBUKE IZ OBLASTI
FINANSIJSKOG UPRAVLJANJA I KONTROLE U INSTITUCIJAMA
BOSNE I HERCEGOVINE ZA 2017. GODINU

I OPŠTI DIO

Član 1.
(Predmet)

Predmet Plana i programa obuke iz oblasti finansijskog upravljanja i kontrole u institucijama BiH za 2017. godinu (u daljem tekstu: Plan i program obuke) jeste stručna obuka osoba zaduženih za finansijsko upravljanje i kontrolu, koordinatora za proces upravljanja rizicima, rukovodilaca nižeg i srednjeg nivoa rukovođenja uključujući i druge službenike koje rukovodilac institucije zaduži za uspostavljanje i razvoj finansijskog upravljanja i kontrole, kao i službenika koji rade u organizacionim jedinicama za finansije i budžet.

Član 2.
(Svrha)

Svrha Plana i programa obuke jeste upoznati institucije BiH sa stepenom uspostave i razvoja sistema finansijskog upravljanja i kontrole i aktivnostima koje je potrebno provesti kako bi se realizovali zaključci Vijeća ministara BiH u vezi s Godišnjim konsolidovanim izvještajem o sistemu finansijskog upravljanja i kontrole u institucijama BiH za 2016. godinu i s mjerama i aktivnostima iz Operativnog godišnjeg akcionog plana za realizaciju Strategije razvoja sistema internih finansijskih kontrola u institucijama BiH za 2017. godinu.

II PROGRAM OBUKE

Član 3. (Program obuke)

Program obuke iz oblasti finansijskog upravljanja i kontrole za 2017. godinu sastoji se od dva modula i to:

- (1) Analiza stanja i preporuke za dalje korake u procesu uspostave i razvoja sistema finansijskog upravljanja i kontrole u institucijama Bosne i Hercegovine i
- (2) Radionica s praktičnim primjerom mapiranja poslovnih procesa i upravljanja rizicima – pilot institucija.

Član 4. (Sadržaj obuke)

- (1) U okviru Modula 1. Analiza stanja i preporuke za dalje korake u procesu uspostave i razvoja sistema finansijskog upravljanja i kontrole u institucijama Bosne i Hercegovine Plan i program obuhvata:
 - Analizu postojećeg stanja finansijskog upravljanja i kontrole u institucijama BiH,
 - Adekvatnost organizacione stukture s posebnim naglaskom na ulogu organizacionih jedinica za finansije u institucijama BiH,
 - Utvrđivanje rizika i njihovo povezivanje s ciljevima institucije i
 - Način povezivanja srednjoročnih i operativnih planova institucije
- (2) U okviru Modula 2. Radionica s praktičnim primjerom mapiranja poslovnih procesa i upravljanja rizicima Plan i program obuhvata:
 - Organizovanje radionice za popis i mapiranje poslovnih procesa i upravljanje rizicima u odabranim pilot institucijama BiH.

Član 5. (Realizacija obuke)

- (1) Stručna obuka za Modul 1. trajće 5 (pet) sati. Na obukama je obavezno prisustvo bar jednog predstavnika nižeg i srednjeg nivoa rukovođenja iz svake institucije BiH. Modul 1. organizuje se kao jednodnevni radni skup interaktivnog tipa.
- (2) Modul 2. obuke djelimično će biti realizovan kroz Program bilateralne saradnje u okviru Memoranduma o razumijevanju o tehničkoj saradnji između ministarstava finansija Bosne i Hercegovine i Kraljevine Holandije u odabranim pilot institucijama BiH.
- (3) Dužina trajanja Modula 2. zavisit će od načina organizovanja obuke u pilot institucijama.

Član 6. (Izbor polaznika obuke)

Rukovodioci institucija vršit će izbor polaznika obuke iz svojih institucija u skladu s planovima stručnog usavršavanja i obučavanja zaposlenih.

Član 7.
(Termini obuke)

Polaznici obuke biće blagovremeno obaviješteni o terminima i mjestu održavanja obuke.

Član 8.
(Vrednovanje obuke)

- (1) Polaznici obuke će po završetku obuke dobiti uvjerenje o završenoj obuci koje će izdati Centralna harmonizacijska jedinica Ministarstva finansija i trezora BiH (CHJ MFIT BiH).
- (2) CHJ MFIT BiH će, u skladu s članom 31. Odluke o načinu provođenja obuke državnih službenika u institucijama Bosne i Hercegovine („Službeni glasnik BiH“ broj: 15/17), Agenciji za državnu službu BiH dostaviti sve relevantne podatke u vezi s planiranim obukama radi utvrđivanja broja kredita.
- (3) Polaznicima obuke biće uručena potvrda Agencije za državnu službu BiH o utvrđenom broju dodijeljenih kredita za predmetnu obuku.

Član 9.
(Instruktori)

- (1) Obuku će voditi obučeni instruktori iz CHJ MFIT BiH i Ministarstva finansija i trezora BiH, koji su u okviru projekta Evropske unije „Jačanje upravljanja javnim finansijama“ obučeni za oblast finansijskog upravljanja i kontrole u institucijama Bosne i Hercegovine i eksperti iz Nacionalne akademije za ekonomiju i finansije koja djeluje pri Ministarstvu finansija Kraljevine Holandije.
- (2) Za pojedina područja obuke Centralna harmonizacijska jedinica MFIT BiH može angažovati i druge predavače.

Član 10.
(Obaveze instruktora)

Instruktori za finansijsko upravljanje i kontrolu dužni su:

- Držati se sadržaja obuke i preporuka CHJ MFIT BiH
- Stručno, kvalitetno i profesionalno provesti obuku za koju su zaduženi.

Član 11.
(Prava instruktora)

- (1) Angažovani Instruktori za finansijsko upravljanje i kontrolu, koji nisu iz CHJ MFIT BiH, imaju pravo na naknadu za svoj rad na obukama u iznosu od 50,00 KM za jedan

školski čas, skladu s članom. 16. stav (1) tačka a) Odluke o načinu provođenja obuke državnih službenika u institucijama Bosne i Hercegovine.

- (2) CHJ MFIT BiH će sa svakim angažovanim instruktorom zaključiti ugovor o djelu/privremenim i povremenim poslovima.
- (3) Sredstva za ove naknade su osigurana u budžetu CHJ MFIT BiH za 2017. godinu.
- (4) Odredbe stava (1) i (2) ovog člana ne odnose se na eksperte Nacionalne akademije za ekonomiju i finansije Ministarstva finansija Kraljevine Holandije

III PRELAZNE I ZAVRŠNE ODREDBE

Član 12. (Primjena)

Ovaj Plan i program obuke odnosi se na 2017. godinu.

Član 13. (Stupanje na snagu)

Plan i program obuke za finansijsko upravljanje i kontrolu u institucijama BiH stupa na snagu danom donošenja.

DIREKTOR

Ranko Šakota, s.r.